

臨劉

雷洲集
五

雷淵集卷之九目錄

疏劄

代揚州儒生請沙川書院 賜額疏

代寧越儒生請八賢書院 賜額疏

辭司諫院正言疏

辭司憲府持平兼請改下金鎮商 特拜都憲

時 筵教疏

論時事疏 正言時

辭弘文館副修撰疏

請 書筵講保傅傳疏

辭世子侍講院兼文學疏

請收還備忘引接臣僚疏

獻納時

違召辭職疏

辭弘文館副校理疏

辭弘文館應教疏

請收還三臣譴罰之

命疏

應教時

歲首陳戒劄子

應教時

請亟允李詰輔所辭又激勉大臣劄子

應教時

乞郡疏

自忠州奉召至城外乞免春坊疏

辭世子侍講院輔德疏

雷淵集卷之九

疏劄

代揚州儒生請沙川書院

賜額疏

乙卯

伏以臣等竊觀自古節義之士非一二數而要其心
求為已分之所當為而已固未嘗徼惠於人主干譽
於後世然亦未嘗不為明主之所激賞士林之所慕
尚者豈非以風厲一世之舉有國之所當先秉彝好
善之心凡民之所同有歟惟我列聖之治尤以扶
植綱常為重忠賢之祠在處相望而其得宣賜恩額
列于紀典者不可勝數以至肅考之世而殆無餘

憾矣凡有節義之卓然可稱者或因廷臣之奏或因
儒生之請又或斷自聖心顯加恩獎而曾不拘於
年代之遠近姑舉其一二言之遠而夷齊之廟四賢
之祠近而鄭夢周之配崇義殿吉再之祀金鰲山皆
在肅考之時而其遠者累千年近者累百年肅
考之心蓋以為吾所嗟賞者其精忠苦節而年代愈
久風聲愈邈則褒崇之典愈可急而不可緩故為是
汲汲也嘗不以異代之人前朝之臣而視之有間也
此舉國臣民所以激厲歆動有以知大聖人作為之
出尋常萬萬者也臣等竊聞吉再之時又有高麗遺

臣南乙珎其守義不屈實與吉再相伯仲蓋乙珎則
開國元勲左議政臣在之叔父也身事王氏為叅知
門下府事及王氏政亂棄官歸耕于楊州之沙川縣
至太祖革命親問南在曰卿之叔父安在在口對
以實於是太祖招之益勤而乙珎拒之益堅被髮
逃形于紺嶽之山中木石為伍與世相絕太祖知
其志之終不可奪也環其所居而封之號曰沙川伯
一時榮之以武王之就封箕子比之而慕義之迹刻
其像于石崖而傳之故名儒曹植為著其遺事今其
集中可考也今去乙珎之世三百餘年而人猶慕之

不衰相與協謀并力營廟屋於沙川之界俎豆之事
久益不懈士大夫之道圻東者必訪其舊墟而肅其
遺貌偃樓咨嗟而不能去其遺風餘烈之感人者如
此而所未獲者獨 朝家數字 恩額耳嗚呼我
國開創之初為王氏殉忠全節者如鄭夢周吉再之
外又有掌令徐甄處士元天錫而其贈官賜謚旌閭
建祠之事畢舉無遺以乙珎樹立大節無讓於數臣
而 聖朝旌褒之典獨有缺於數臣者蓋亦有由焉
盧奕雖賢不能使其子之不為祀乙珎雖賢不能使
後孫之不為衮衮以己卯奸臣既為善類之所誅絕

而其著述文字一切歸於芟棄則雖有表揚先德之
文固無以見於世而其他苗裔又坐此沉淪無異編
氓雖其祖先之賢有闇昧不章於世者顧何以自達
於天陞深嚴之地哉嗚呼乙珎忠君之節初不以
其後孫之賢不肖而有增損國家崇節之道不當
以其後孫之賢不肖而為輕重然事勢所拘荏苒因
循率至於泯沒無稱豈不重可悲哉殿下即位之
初道內御史李挺膺採多士之公誦以乙珎事據實
陳啓仍請亟賜院額而事下該曹則有司之臣徒
知循習故常不能深惟義理使國家敦倫勵俗之

章沮格而不行此臣等所以歎息痛恨愈久而不能
已者也臣等俱以乙珎鄉里後生聞乙珎之風而慕
之蓋自有知之初而伏遇 殿下尊賢好義克繼我
肅考之志今於臣等之請必當問其節義之如何不
當論其年代之久近臣等妄竊以為此時不可失輒
敢相率請命于 闕下伏惟 殿下深察乙珎之賢
宜為多士所尊奉 明詔有司特宣華額使下邑之
士得遂其愛慕之誠而後來者有以興起焉不勝大
願臣等無任祈懇之至

代寧越儒生請八賢書院 賜額疏

丙辰

伏以臣等竊惟有國之務莫先乎敦教化然教化之
於民也不能家至而誨誨諭之故常務尊名節之士
以風動四方而聳勵其媮薄天下之難與為善者莫
如頑易與為惡者莫如懦而孟子曰聞伯夷之風者
頑夫廉懦夫有立志茲非其驗歟維皇明 仁宗皇
帝及我 肅宗大王用是道以作興人夫方孝孺等
諸賢之死義且數十年天下莫敢誦其義成三問等
六臣之殉忠且二百年國人莫敢言其忠惟 二聖
披暴其苦衷以歆動億兆人之心旌褒其毅節以鼓
發億兆人之氣當其時瞽者視墮者馳鬼神響應鳥

獸翔舞此 先帝 先王之所以大服民也臣等寧
越人也自生髮未燥已聞六臣之名於鄉里父老而
知慕之長而游於其廟但見廟前草樹凜凜皆有生
氣而東望 莊陵松柏鬱然如聞劒珮之聲往來環
遶於烟雲杳靄之中未嘗不噓唏泣涕彷徨不能去
既又得先輩遺文而讀之知六臣之時又有所謂八
賢者其特立獨行之操殆與六臣相伯仲而獨未得
俎豆於 寢園之側者豈謂其所死者異歟臣等竊
寃之輒為 殿下訟焉伏惟 殿下垂聽臣等謹按
先正臣李珣先正臣成渾文敬公臣申欽文簡公臣

李晔光故副提學臣李竣掌令臣尹舜舉所述雜志
中當 端宗之末 光廟之初守匹夫之志而潔身
自靖者有八人焉處士臣金時習佯發狂為僧浮游
不返處士臣南孝溫上書請復 昭陵不報沒身不
舉燕山時戮其屍直提學臣元昊杜門謝客坐必向
魯陵校理臣權節 光廟語以國事佯醉不對終又
佯狂不仕以死處士臣趙旅嘗游太學揖諸生歸終
其身不出正言臣李孟專托以兩目不見物不出戶
三十年以死處士臣鄭保間變出涕幾為奸臣所誣
誅 光廟聞其鄭夢周孫而特原之然亦竄配處士

臣成聃壽除官不拜隱於漁釣間此其大畧也夫以
先賢之立言不苟而或稱為百世之師或稱以一代
完節垂之後世殆可考信也臣等又按國朝故章
鄭夢周吉再以王氏故臣俱得廟祀然夢周死而殉
節再生而全節聖祖之意豈不以二臣之跡雖殊
均之為盡節所事則崇報之典不宜異同故歟且三
仁之行不同夫子並以仁稱之豈不以得其心之所
安而無疚乎義命則死不必賢於生生亦無愧於死
歟若然八賢與六臣所謂易地則皆然不當以生死
而殊其報也審矣是以端宗復位之後先王追

錄八臣之忠或贈以官或賜以謚或旌其間所以褒
顯之者視六臣無間所未遑者特建祠一事耳此臣
等所以合辭齋籲深有望乎 殿下繼述之美意也
仍伏念神道以氣類相求成王之葬周公曰必葬公
于畢以從文王范滂之言曰願埋臣於首陽山得從
夷齊游使死者有知以八臣之忠而上不得密邇
先王下不得與六臣者游雖有芬苾之薦其肯膂饗
而樂之否乎昔在 先王朝筵臣建言六臣廟偏側
仙寢宜移就稍遠 先王即誦杜甫武侯祠屋長隣
近一軀君臣祭祀同之詩仍命勿移士林至今相傳

為美譚臣等竊謂六臣既得服食于 莊陵之側則
八賢亦宜牽連得紀斷不可已也雖然建廟之事不
必煩有司經費臣等之鄉人富者出其財貧者出其
力謹已營數畝之宮而序八人之位矣誠賴 殿下
德意宣以二字華額則於廟事足焉伏願 明詔禮
官亟速舉行彰 國家尚節之意副士林慕義之心
不勝幸甚臣等非不知在處祠院之設新有 朝家
禁令而獨念此廟之成在禁令之前與其禁之於既
成之後以絕士林之望曷若因而旌表之以風勵邦
人也伏願斷自 聖心不拘常格於以勵俗於當時

勸忠於後世得力益萬萬矣臣等無任祈懇之至

辭司諫院正言疏 辛酉

伏以臣之不佞遭值盛會出身之日獲蒙 親擢之恩狎覩 日月之容光秉彝愛戴之心油然而中而竊自惟受性懦拙又善疾病名湮進取本非所期只幸待罪山縣隨分奉職以少稱 聖朝芻牧之責而已不意薇垣 寵除遽從內遷駟名 恩諭繼又遠宣臣聞 命隕越以感以悚不知所以為計也臣之不合是職自知甚明冒昧膺 命義所不出而含恩怵分不敢在外偃便纔已驅策病軀進伏私次而

在途撼頓舊疾加碗見今証形實無以自力不獲已
畧暴微懇徑進短章伏乞 聖慈諒臣人器之不稱
憐臣疾病之難強亟遍臣新授職名一以重官方一
以安賤分焉臣揆分量病俱無堪承之理而二者之
外抑又有逡巡不敢進者茲敢冒死一陳焉宋臣歐
陽脩之言曰天子曰是諫官曰非天子曰非諫官曰
是立殿陛之前與天子爭是非者諫官也繇是觀之
諫官事君之責專以爭是非為職而近伏聞 殿下
朝廷專以消融是非為務臺閣之言一涉是非之境
則相戒以為忌諱而發口論事惟 聖旨是惴是順

以微幸無罪果如是為諫官者將何所藉手而事
殿下 殿下亦安用諫官為哉是非者天理之公人
無智愚賢不肖而皆有是心人心不容一息滅絕則
是非不可一息消融臣聞古之聖后有好問而好察
通言執其兩端而用其中於民者矣未聞有閉絕群
下是非之口而為治者也 殿下英睿之姿學問之
功度越百王豈於是理猶有未燭特以朝象之橫潰
務行調劑之術用智御下作好作惡而王路不平投
時取容害心害事而士節日壞有識竊歎為世道憂
而顧視臺閣譬如啞醫之觀病非不知病在膏肓但

口不能言耳臣竊危之方今之務謂宜得貞亮骨鯁之士寘諸諫官 虛心以聽上之開張風議導發聖聰下之肅正綱紀大糾官邪以少補 殿下勵精之治而乃以如臣異懦苟充臺端決知此任非臣所能堪也臣以世祿之家生逢 聖明惟 殿下所使赴水蹈火義無所辭獨於是任自量已審既以無補於任使為懼又以貽譏於臺閣為愧乃所以逡巡不敢進也惟 聖明並垂 睿察速行鑄免為官擇人俾盡言責公私幸甚

辭司憲府持平兼請改下金鎮商 特拜都憲

時 筵發疏

伏以臣頃忝諫院畧附所懷於辭本之中伏蒙 恩
批俯賜嘉納臣誠感激惶隕不自意螻蟻微誠有以
仰格于穹昊也其後數日以本院闕啓及鞫坐進叅
一日之中再辱 天牌臣雖至愚豈不念古人不俟
駕之義而其所以不敢冒進者蓋亦有由焉臣之始
承召入城也風聞大臣 筵奏有臺閣不足信之語
人或勸臣宜以是引嫌臣則以為決非大臣語也焉
有大臣而勸人主不信臺閣者此必傳之者妄也故
臣之初疏畧不舉此為嫌者以臣不之信故也其後

傳之者益衆則果信也非妄也嗚呼今之為臺閣者
不過如臣等輩亦可謂不擇人矣大臣真以是為憂
則直以為臺閣不可不擇可也而今乃曰臺閣不足
信夫既任之又以為不足信則 殿下之耳目無乃
蔽也乎然嚮使臣等氣節風裁先有以為人所憚則
大臣未必敢為此言反顧慚恧不啻其面發赤此臣
所以再承召而再不敢進者也不謂 聖度天大罰
止例勘曾未一旬輒蒙收叙又未幾而畀以風憲之
任 恩造至此臣何以堪揆以義分當竭蹶膺 命
而第臣於是職不敢進之義與前無異雖欲包羞一

出其如公議何哉又况素患痰疾入春尤硯上鬱而
為火下滯而為濕寒熱交中百骸皆病目今証形實
無時月起動之望而本府職事甚重且緊不容病劣
一日虛糜伏乞 聖慈將臣職名亟行鐫免仍治臣
前後逋慢之罪以安私分以肅朝綱焉臣方祈免請
譴之不暇固不宜妄及時事而既有區區愚見不敢
自隱伏聞日昨有前副提學金鎮商特拜憲長之
命除旨之下孰不聳聽但筵中 下教恐有乖於
聖上勵世之本意也原鎮商行誼廉潔言議清正向
令進而事君必能陳善閉邪以尊朝廷必不依違取

容以傷世道者也惟其早辭名途絕意世事故章牘
之間未嘗及是非言論此其情勢使然初非得已也
今 殿下之特命擢秩既出於激勵末俗之 盛意
則宜獎其清修難進之節以昭示群下而竊伏見褒
尚之 教特取其不染于此不惡於彼而仍授風憲
之長此於鎮商本末未為觀當抑恐因此遂啓末路
苟容之習臣竊惜之且風憲之任掌論時政糾官邪
正風俗伸冤枉此其為職非不染不惡四字所可了
辦適足令群下妄揣 聖指以為 聖上不復以言
論是非望於臺閣此於世道 國體關係不細人君

好尚乃人心趨向之本一言所感或令億兆增氣或
使百僚解體况挽近以來士大夫風聲氣節日就消
磨舉世靡然皆為利動不復知名義之可畏行撿之
可貴而當斯之時 殿下特褒恬退之臣以示好尚
於國人此雖一事實光 聖化施命之辭允宜昌明
伏願 聖明命取伊日筵 教改安數三句語專褒
其清修難進之節顯示 寵擢之旨而使 王言無
玷士風一激焉抑臣又因此事敢貢一言夫彼此染
惡等字 殿下不惟不可發於絲綸亦不可蓄諸
淵衷明主御世自有大公至正之道豈當置彼此於

心中是其所當是非其所當非而已又何必以染於此者為非而染於彼者為是惡於彼則為不肖而惡於此則為賢乎臣愚以為如是則彼此之形益著染惡之習愈長矣不如直論義理之所在為順且易也亦願聖明留神裁擇焉

論時事疏

正言時

伏以臣方以親病乞免之不暇豈宜有所陳列而既有所懷欲一聞於聖聰惟聖明裁擇焉伏惟天啓聖衷誕降大訓國論由是而粗定朝象由是而少靖伏想殿下積年苦心亦至此而少紓矣然無

窮者義理也難回者世道也願 殿下勿以國論之
粗定而猶慮其未盡毋以朝象之少靖而遂忽其長
慮益勵名節為朝廷立筋骨益廓言路為一世鼓精
神以建其可久之業焉臣竊伏念 列聖以來以廉
耻養臣下習成風俗士之自重者往往不為名隨不
為利遷 國家緩急與受其利焉挽近以來朝廷用
人自有一道其為道也軟熟方便於身計甚適於時
議易合雖刑以禁之猶且為之況 殿下以爵祿誘
之於前以刑罰驅之於後於是乎舉世靡靡惟利是
趨殆不知名義之為何物也嗚呼此皆 殿下所與

治國家者其馴養之術不宜鹵莽至此也宋臣王朝
為宰相張師德再詣其門朝語人曰可惜張師德不
意兩及吾門竟不用之蓋朝士之於時宰其界限之
嚴如此今也反是士大夫之交結馳逐揣摩經營者
無非進取之計而至如趙鼎譙李命坤俱以名門華
閥平步徐進何所不宜而乃反狎遊權門力占名塗
舉世嘲罵曾不知愧尚何責夫寒門冷族之求進者
我一自奔競之風長而微幸之門開一清選一要官
缺則人人皆自以為得之錐刀之利也而較先後於
朝暮之間纖芥之爭也而結恩怨於杯酒之際嗚呼

士風如此何以事君昔宋真宗以臣僚干進為憂王
曾進曰抑躁競崇恬靜庶幾得難進易退之臣伏願
殿下深味斯言親近端方之士以激勵風節斥遠浮
躁之徒以挽回頽俗焉臣竊伏見近日朝廷忌諱多
門臺閣之臣欲發一言論一事東西牽掣左右妨碍
語涉一是非則以為此聖旨所厭聞言之懼獲罪
事關一得失則以為此時人所深忌論之恐見忤下
筆旋止費力安排及其上奏也論人物則螻蟻之微
也而盛氣而擊之語時弊則疥癬之細也而痛哭而
陳之至若草廛爭閭之事亦皆登諸章奏猥煩宸

聽而其墮壞 國體關係至大者乃或矇然不舉焉
近者一藩臣非有疆域急務而不時肅命倉卒求對
舉措怪駭且闕後弊至於大臣陳劄論之而言者之
議顧竊然無聞此亦臺閣不職綱紀將頽之漸也伏
願 殿下益恢 聖度開不諱之門廣受諫之路使
讜言進而朝體肅焉夫名節之不勵言路之不廓固
今日之所大憂而苟究其本何莫非 聖上反躬自
省之端乎 殿下日闢 經筵朝夕講誦苟非 聖
體違和未或曠廢 聖學非不廣也 聖志非不勤
也然此未足以盡好學之實也臣聞 殿下所與講

論者獨一二儒臣耳彼儒臣者大抵皆章句末業其
於聖賢謨訓未必沾漬貫洽則雖有啓沃之心造次
之頃安得剖析其奧義以備 顧問也哉 經筵事
伏席示倦特進官曲躬假寐不過備虛文應故事而
止耳何嘗有輔導之功使我 殿下充然於 聖心
者乎伏願 殿下招致在野遺逸之士勿煩以職事
別置一局以處之使得專意進講而亦令諸儒臣修
明四書五經而人各治一書如漢世專門博士之學
使之悉心講究專精討論以資 聖學而自上將
欲講易則使易學進對欲講春秋則使春秋學進對

他書亦然雖非進講凡有考校經傳之事必招問該
學學士使之考論淵源探討義旨能者有以勸之不
能者有以懲之亦令以時侍講東宮宮官有缺以此
填補其於規諷道義宜有所益惟聖上深留聖
思焉抑臣又伏念東宮邸下入學之禮期在明春而
入學者帝王學問之源國家文教之首甚盛禮也
博士之任太學士實掌之歷考故事最選其人所以
重其禮也臣竊見前判書李緯精通經術嫻習禮儀
宿德雅望為士林冠臣以為殿下欲為東宮擇博
士以相其禮宜無踰於此臣也亦望裁擇焉專對四

方固宜慎簡而至於書狀之任實管糾察之責非清
剛足以自持風裁足以服人鮮不貽辱使命受侮異
國其宜審擇也決矣書狀官權賢只一闌茸之流耳
命下之日聞者已多駭笑出疆之後一行何所憚壓
謂宜變通以靖使事焉臣無任云云

辭弘文館副修撰疏

乙丑

伏以臣性本愚魯濫叨近列無補任使有負 聖明
論厥罪過合被重誅而 聖德如天仁覆罔極屢示
誨責旋加涵貸前後牽復之 恩不啻再三臣雖至
愚豈不知感激奮勵圖報萬一而情病危苦既無以

耐久任職則每奉 除旨匪榮伊懼惟有悶蹙之情
無所控告乃者 筵中伏聞有削錄諸臣還錄之
命臣名亦廁其間而繼而有館職 恩除臣惝恍震
惕靡所措躬誠不知疵賤如臣何以得此於 聖朝
綜理之下哉今茲見授之職地親責鉅非臣蒙陋所
可擬議者今不暇論只是向來 處分飭勵嚴重雖
以日月之稍久有此收錄之典此特出於 聖上慈
覆周徧不棄一物之德意耳顧臣之所負罪名固自
如也時自撫躬惶汗未乾其何敢憑恃 寵靈晏然
就列以自取貪榮忘罪之譏也我臣之此言非敢為

一身庶隅也實乃分義之所不敢安果使臣夤緣偉
會戀冒清啣心知不安於分義而忍而為之是豈臣
子誠信事上之道亦豈 殿下命臣以是職之意哉
臣不芻言有辱經幄伏惟 聖明慈仁體下凡在下
情無微不照如臣危惻宜在憐察有不待臣縷縷控
籲而若其疾病癰疽之狀非臣自陳 殿下何由俯
燭乎臣素患痰癖數年以來輾轉沉淹蓋其源委專
崇於血滯火鬱乍勞神思氣輒痞結故凡係文字着
讀之事一切拋棄強而為之動成闕格為人為鬼判
在俄頃兼以頭熱動風兩耳俱鳴促席人語尚或聽

瑩藉令臣無他情勢似此病形尚何望出入屢種備
數於顧問之列乎瑣瑣支離之狀本不足仰煩
宸聰而疾痛之呼不遑擇音臣尤惶恐死罪荐
之下轉動無路趨詣闕外畧入文字伏乞聖慈
俯賜鑑諒將臣新授職名亟許鑄改仍命有司勿
復檢擬使得退省前愆免罹後咎則臣不勝萬幸

請書筵講保傅傳疏

伏以臣待罪宮僚之末濫廁勸講之列每覩我東宮
邸下臨筵誦讀音節洪朗間有一二論辨動合正理
臣等退而相慶至不能寐然而天資雖美必須輔翼

之得其道然後方可責夫時敏之功而如臣者學術
荒陋無之以導發睿智則又未嘗不以愧以懼轉喜
為憂矣仍伏惟念東宮邸下小學講讀不過一兩日
可訖而向後工夫將及於史家之書夫孜孜歷代之
治亂得失誠為急務然臣愚竊以為治亂得失雖瞭
然於目中必先曉得所以治所以亂所以得所以失
之本然後善可以為法惡可以為戒不然猶不講也
何謂治亂得失之本三代所以教世子之法是已夫
小學之書無所不備而初非為教養儲嗣而作故言
其受用之方或欠親切之意必須觸類而推之反隅

而求之方可有效此恐非冲年所易能也繼此而又將涉獵於史書費了歲月則是卽下於三代所以教世子之道率未有聞也其於早論之方豈不踈哉愚意欲望待小學畢講之後史書未始之前以保傅傳一篇進讀於書筵日以周公太公之保傅成王者講習於口薰灌於耳體驗於心踐履於身一字一句罔非日用切己之事而使我儲君有以知夫向所謂立教明倫者不過自吾推之而國家之治亂得失亦莫不以吾身為本則前之所已讀者方見其趣矣後之所將讀者亦易為功矣其於輔養之道豈不大付裨

蓋哉雖然臣非敢妄言也此實朱子之言也朱子於
已酉封事第六條備論輔皇儲之道而專以保傳傳
為本而曰此天下之至言萬世不可易之定論也夫
以朱子之亞聖而論輔翼皇儲之策其周詳懇惻宜
無所不用其極而單取此篇以為第一法門者誠以
賈誼之言實傳先王之遺意論其立教之源則不出
乎孝仁禮義而語其條目之全則至於容貌辭氣之
微衣服器用之細纖悉曲折皆有法度居處則必欲
其親正士而遠邪人講誦則必欲其尊先王而嚴師
傳率以三代有道之長為必可法嬴秦無道之暴為

亦可戒其文簡而該其義大而切欲求輔儲之具外
此而無餘法也且此傳字不過數千計其講讀溫習
不過費兩旬工夫而語其實效顯益則他書無以
易此者所謂事半功倍者也伏願 殿下深留
聖思焉臣不勝眷眷謹將朱子封事中第六條繕寫
附疏以進恭俟 指揮

辭 世子侍講院兼文學疏

伏以臣驟荷 天恩解官自便專意湯餉調護父病
體卞之仁含戴罔極不意昨者忽奉 聖旨以臣為
春坊兼任甫被 恩通旋叨 寵除且惶且感靡所

措躬第茲見授之任除非出入經幄之人莫有兼
之者政例則然矣臣以愚陋誤被聖眷頃雖猥玷
館職而區區私義實有萬萬悚慙不敢冒昧者曾已
披瀝情懇干瀆宸嚴率蒙聖明照察獲遂微諒
蓋臣之不敢以已經館職自居者不惟臣有咫尺之
守抑亦通朝之人所共諒悉則今茲所叨是臣涯分
之外譬如不衷之服無名之餉雖欲厭然冒受苟榮
其身其如此心之所不能安何哉理在必辭不容虛
縻名命之下趨造闕外畧入文字仰控至懇伏
乞聖慈特賜鑑諒始終加恩將臣見職亟行鐫

改以重官方以靖私義不勝幸甚

請收還

備忘引接臣僚疏

獻納時

伏以臣積年沉痾之疾又經今夏炎濕百般危症一時交攻貼身床第奄奄垂死之中得伏聞夕間下寶廳備忘乃有不敢聞之聖教至有三司請對之舉臣適忝諫職一息未泯義不敢偃便在家即已擔曳病殼來到闕下而勞動之餘氣息益復綿綴鬼事將迫無復人事入肅天陞隨衆登筵萬無一分之望矣有臣如此不如造死伏地悚惕恭俟鈇鉞之誅而已臣既無以入侍耿光則犬馬愛主之誠

恐無以自盡不得已冒死附陳焉今茲 備忘辭旨
臣雖未得其詳驟伏聞其間數段句語是豈 殿下
所可發諸口臣等所敢聞諸耳者乎臣未知 殿下
之所激惱者何事而若果由於群下之不善承教則
殿下惟當從容引接洞諭 聖旨可罪則罪之可恕
則恕之而已大聖人隨感順應之道固當如是今也
不然遽下非常之 教顯示閉絕之意公卿求對而
不得 命士庶奔走而不遑食上下否塞小大疑懼
自臣等待從已下皆不知 聖意所在問巷小民妄
相忖度浮動靡定是豈 聖明朝所宜有者耶今日

之世道國綱日就頽靡殆無餘地而群下之所恃而不
恐者正賴聖明在上有道而莅之多方而鎮之
耳不幸近者聖志勤勵浸不及初貳過遷怒不勝
其頻復而至于今日而極矣舉國臣庶相告驚惑蕭
然無樂生之心以殿下天地之仁父母之慈胡忍
於斯胡忍於斯耶臣病中間此直欲即日溘然而不
可得也臣本來情勢已極惶感目今病狀救死不贍
豈敢以諫官自居而區區憂愛之忱終有所不敢泯
者俯伏禁扃之外畧效愚淺之悃伏乞殿下亟
降明旨收還備忘引接臣僚以光盛德以鎮

人心亦乞 大震威罰重勘臣罪以肅官師以昭邦
憲千萬幸甚

違 名辭職疏

伏以日昨之事是 殿下莫大之過舉也夫以子之
罪而刑其父以治逆之律而繩不待命之人此實傷
倫害法之大者國無諫官則已有則必爭者也而臣
不能爭非惟臣方胥命疏未承 批有不敢開口論
事臣亦有老父誠恐救人之父反累臣父耳隋文帝
凡主也趙綽猶能以一言悟主止其淫刑臣親逢堯
舜有懷不宣率成 殿下之過舉而臣則苟免其罪

雖 聖明寬大不即墨刑臣敢不自劾以請溺職之
誅乎伏乞 遙降威罰以儆百僚焉臣負罪如此 名
命之下不敢進身尤當萬死

辭弘文館副校理疏

伏以臣頃任宮僚以父病沉重猥上辭單伏蒙 恩
遍專意救護 錫類之仁感戴罔極不意解官未數
日又叨館職新除荐辱 嚴召一味逋慢論以邦憲
合被重誅而 聖度涵容每下格外之 恩推此豈
眇末如臣所敢輒得且惶且感不知死所蓋臣於見
授之職非實有一分可進之理而故為不可進之說

以上欺 殿下而曲為一己之廉隅也揆之以義分
察之以情勢誠有兢惕危苦雖欲強進而不能進者
此殆通朝之人所共諒悉非特臣咫尺之守如此而
已也 聖教開釋前後備至曲示不棄之意為臣進
身之路臣之從前違逋死不償罪而 殿下曾不以
鈇鉞威之開導教飭使得以從容去就臣每伏聞進
教未嘗不始之以感涕繼之以惶汗欲進承 德意
乎則實難強其悚感省愆之情欲退全素守乎則似
有乖於感激圖報之心冰炭交中不能自安然感激
之心不過螻蟻之私悃悚感之情實乃臣子之常分

此臣所以矢心自畫寧以辜恩獲譴而不敢以趨
命為恭者也斯義皎然衆前倚衡雖復厯月踰時期
勿墜失而區區微諒終有望於 聖慈之俯燭而已
仍竊伏念君臣之分至相懸矣其所以相與則亦有
道矣君上之臨下主於仁故情勢之所不安必有以
曲體而不強之使行臣下之事上止於義故事理之
所不可或有以自守而不為於從令夫如是則上下
之間豈不兩盡其道而易所謂天地交泰者亦不外
是矣伏惟 殿下至仁至聖凡於群下之情無微不
體若臣衷懇何患不見諒於 聖明而猶且荐辱

名命日復一日必欲強其所不安而行其所不可臣
於此不能無憾於天地之大也自今臣之父病閤旬
彌碗老人氣力日就凜綴而又添瀉血之症度數無
筌飲啖俱廢委身床第轉側須人臣獨自扶護晝宵
燭灼而顧於是職既異從前行公之人則陳章乞由
有所不敢惶隕抑塞常在俟罪之中湯餽調護之道
亦恐不能及時自盡區區所祈願惟在於早被 嚴
譴得以專意救視倘蒙 殿下俯賜哀憐而亟從私
懇則天地之仁父母之慈臣雖隕首剖肝何以報塞
其萬一耶 天牌之下趨詣 闕外仰控疾痛之呼

伏乞遙降威罰重勘臣罪以為人臣慢命者之戒千萬幸甚臣於治疏將上之際伏見吏曹命帖以臣差夏享大祝親臨誓戒期在再明而顧臣職名未解之前無以自致於駿奔之列若不及今自陳或致臨時窘急之患則臣罪尤大茲敢不避煩瀆附陳微懇乞即變通以便公私焉

辭弘文館應教疏

丙寅

伏以蟻虱賤臣罪積違通每當天牌臨門輒復墮越于下不知所以自措而日昨延教辭旨嚴重蔑分昧義之罪益無所逃雖被顯戮不足贖其萬一而

鉄鉞不加 名命猶前臣誠惶隕抑塞求死而不得
求生而無說跼天踏地若無所容噫 殿下之於微
臣 慈覆之德與天無極提誨之勤若父詔子臣雖
甚寔迷豈不思黽勉改圖仰承 德意況今 聖念
奮勵鴻猷大闡晝夕開筵聽聞俱聳於斯時也而接
武群英之後橫經 明主之前乃儒者之至榮臣子
之大願果使臣有一分可進之勢則顧何苦而遲迴
一日逡巡一步哉惟是區區咫尺之義量之也有素
處之也已審欲有所轉動則輒覺顛駢而心忤如是
而猶抑情屈志冒據華班外為坦坦施施而中實愧

忸不安則此豈人臣誠信事上之道而聖明之所
以處臣者亦豈欲其如此哉猶滯之性狎難變化迫
切之情未蒙諒悉則日夕所祈願惟在於適被刑
章少安螻蟻之分而已抑臣又有一說焉使臣文學
才識果有才長於人處之論思而無愧備諸顧問
而無滯裨補之效為多而冒昧之失反輕則進而承
命以效補失亦或為一例而今臣之空踈謏劣最出
人下固無足與議於此則造使狼狽失守貽羞經
幄而已是果何補於聖朝而鎮日之名格外之
恩重重沓沓了當無期曾不恤國體之虧損職事

之瘼曠也耶凡此肝膈之懇畧具於前後辭本伏想
聖明或賜照燭而第日昨 聖教以同罪諸人之皆
出而臣獨撕捥 誨責諄諄蓋臣與諸臣言其所遭
則同而才學之不相逮健脆之不相及固有所相懸
者則或出或處自不能無逕庭今茲 聖教或者未
盡 俯悉其倥侗癘瘡之實狀故耳窮蹙之情前後
無異每煩控籲極知死罪而廷恃 體下之仁敢申
疾痛之呼伏乞 天地父母俯賜鑑諒削臣見滯之
職勘臣慢命之罪使朝綱肅而私義靖千萬幸甚

請 收還三臣譴罰之 命疏 應教時

伏以臣空踈聾聵千萬不近於經幄之任而既謝
恩命義不敢不一侍筵席黽勉就直獲近耿光
而旋因父病添瓴自犯擅離之罪聖度天大不加
之罪特賜恩由俾便救護錫類之仁感戴罔極
臣之父病本以痰火為祟積月沉淹近又得瀉血之
症老人氣力日就慄綴而臣一兄早亡一弟未壯獨
身扶護夙夜焦灼區區情願惟在於解官自便專意
調護而每一陳情輒蒙由暇此在微臣至為惶悚不
敢復以私情屢煩宸聽朝者違名蓋出於私情
之不得已而恩推又下天牌繼辱臣誠惶隕悶

迫不知所措目今藥餌焦灼之狀萬無一刻離違之
勢不得不仰首嗚呼於 慈覆之天伏乞 聖慈曲
加憐察亟逋臣職俾得以朝夕病側從容將護千萬
至禱臣於請急之章不宜更提時事而伏聞今日常
叅時有两諫臣削職之 命臣竊以為過矣諫臣疏
語雖甚草草乃其意則不過仰裨 聖上厲精求助
之意而已在 聖上來諫之道亦當優容之以廣言
路豈宜遽加雷霆之威摧折之如此耶處置立落皆
循公議則此又何罪而 筵席未罷譴削相繼過中
之罰至及於匡救之承宣以我 殿下包容之德胡

乃激惱至斯耶臣嘗伏讀 御製自省編中有曰初
雖有過差而旋即覺悟既覺之後不欲復為臣每莊
誦欽歎以為 聖上此筆可以照映宇宙與顏子不
貳過一章相為表裏豈謂頻復之舉乃在述編之歲
也臣非敢為諸臣分疏竊為 殿下惜此舉也伏願
聖明更加三思快霽威怒收還三臣譴削之 命以
光 聖德不勝幸甚

歲首陳戒劄子

應教時
○丁卯

伏以 殿下以大聖之資受無疆之恤孝友英明恭
儉仁恕凡可以興邦者 殿下備有之聲色貨財游

政土木凡可以喪邦者 殿下無其一此天所以惠
我東土而臣民之愛戴者如何期望者如何上天之
有疾威謂吾君可以格之下民之有怨怒謂吾君可
以解之王綱之頽靡者謂可以振作之世道之污下
者謂可以挽回之雖 殿下之自期者曷嘗欲比肩
於漢唐中主乎獨恠求理愈切而效愈邈厲志雖勤
而治不獲一年二年因循荏苒轉眄之頃恰踰升載
而凡百施措泄泄如舊了無一事之可以挽天心服
人情者伏想 殿下反求初心豈無惕然于中者乎
方今獻歲發春節序大變三陽坤北萬品昭晰此正

殿下體天對時舍舊圖新之機而伏況 殿下春秋
晚晚已過聖人知命之年而瞻望 天顏漸覺非昔
時則昔之愛戴者今而愈切昔之期望者今而愈深
不審 殿下將以何道應之乎蟣虱賤臣忝備 經
幄不勝惓惓犬馬之誠敢掇古人告君之格言以附
先賢歲首之良箴惟 聖明恕其僭而納其愚焉嗚
呼人君一念治亂之機存乎義理則衆善嚮風存乎
功利則百邪動心伏願 殿下懋學問以開衆善之
路正直之臣知君性之偏則以為懼從而救正之巧
佞之人知君性之偏則以為喜從而逢迎之伏願

殿下理性情以杜群枉之門思慮之煩適足害公惟
至誠以定心大公以應事靜者勿撓來者順之而已
伏願 殿下整思慮以存大公億兆傾耳王言以為
則簡重則官師肅煩支則朝廷褻伏願 殿下慎辭
令以示民則一心不實萬事皆假好賢則不能十分
惡惡則亦不能十分伏願 殿下務誠實以盡好惡
之情舉措拂人之心則是非生焉是是非非人之至
情存焉故明主是其是非其非而邪說熄伏願 殿
下審舉措以平是非之口用明之過而傷於察則人
情睽離疑而不安故君子不極其明而用晦伏願

殿下毋作聰明以和百工人君之職量材而授官賞
善罰惡而王道畢矣叢脞則萬事隳勞瘁則百志怠
伏願 殿下勿親細務以勸庶功人君公議之主也
欲威福之不下移莫若舍己而從衆衆無不公故公
則綱紀恒在于上伏願 殿下廣聽納以攬權綱怵
惕惻隱天地生物之心省察克治人君反善之幾故
體天悅民莫先於改過伏願 殿下敏省察有過必
改凡此十條非臣臆說實有所受言若迂緩而意則
懇至尤有助於晚節勵精之治倘蒙 聖明不以人
而廢其言則千萬幸甚臣於昨歲濫叨 廷對獲聆

天語深以人君晚節為憂臣莊誦至今不敢忘于心
竊以為 聖上此心堯舜之心也凡人血氣既衰志
氣亦隨而衰故劉變為柔貞反為脆况人君居禁華
波蕩之中當昇平無事之時振刷之志日益退而燕
安之萌日益長苟不於敬怠義欲之分加十倍之工
顧何能慎終如始保有令譽乎且自昔人君或退托
衰老怠於政務而其臣雖欲進規難於為言此人君
晚節之為尤難者也今 殿下不待群下之仰勉而
親發德音卓然以晚節為憂奮發振作之意可以仰
揣於 辭旨之外苟非省察之猛而體驗之切庸能

及此乎此臣所以拭目翹足思見至治之盛者也伏
願 殿下斷自今日廓然改圖惜大禹之才陰法成
湯之日新毋使善端乍萌而旋沮王言旣出而不踐
則 殿下晚節莫盛於此而令聞不窮大業無疆矣
豈不休哉豈不休哉抑臣又竊伏念東宮邸下年纔
舞象智識寢長 殿下之一言一行動為刑法若於
燕閒左右之際常見晚暮勤勵之實則其聳動觀感
不遑暇豫者即必然之理也以此貽謨真足為萬世
家法而 殿下晚節於斯益光矣又推而及於臣僚
而勵以廉耻以率其頑鈍導以禮節以立其渝靡敬

德寡年以淳其風俗崇恬斥躁以正其趨向使人人各全其晚節則臣雖駑劣敢不以周王壽考遐不作人之詩為 殿下頌焉取 進止

請亟

允李喆輔所辭又激勉大臣劄子

應教時

伏以臣伏聞今日 筵中以李喆輔擢拜吏曹叅判臣竊為朝廷惜此舉措也臣非謂喆輔之地闕才具不能堪是任也特其出身不正 國家之大防存焉使喆輔少有見識終身不處清顯之地可也不然今之士大夫雖甚無耻孰肯聽進退於其手哉竊恐聖慮偶未及此而獨恨筵臣又從而順之或知其不

可而不能爭之於 命令未布之前遂使 殿下舉措一失而不復殊可痛也竊計詰輔必固辭新 命不敢便就願 殿下即 允其辭毋待外議之來如此上下俱得其義伏乞 留神焉臣又伏聞今日 筵中 聖上以可用長銓者俯詢於大臣而大臣以自上簡除為請至以廟議掣肘之語煩瀆 天聽云筵席語秘雖未得其詳果如臣所聞則其亦異乎古之大臣矣古之大臣封還中批今也自下而請之古之大臣權衡人物以待君上之須今也委責於上而苟免外人之議此豈 聖明倚毗之意與廟堂吁咈

之道哉前者堂錄時大臣首發彼此互對之說大為清議所非而頗得免謗於時輩此習遂長今復如此其事雖殊其為便身負公一也臣為之慨然也伏願殿下賜激勉使其頗改滄靡稍出風裁以訓正百僚焉臣濫蒙恩顧職號論思事有傷國體開後弊者不敢不言取進止

乞郡疏

伏以聖志奮發親御正門引諸臣而講論治道進庶老而諮詢民瘼玉音春噓瞻聆咸聳甚盛舉也臣濫叨通列適當斯會愛戴之誠倍激于中而學

術鹵莽言辭拙訥不能對揚 明旨之萬一退竊自
歎益信前賢所謂登筵而退每悔讀書之不多者良
非虛語也惟願 殿下以此實心措諸實政無俾天
章故事專美於宋朝焉臣忝侍 經幄已多年所造
被眷顧之 恩曾無絲毫之補凡有區區私懇不宜
輒事煩瀆而第伏念疾痛呼父人之至情今臣情理
之切急不啻一身之疾痛則不自呼籲於君父更將
赴訴於何處乎臣家貧寒甌石屢空蒙被 國恩累
世仕宦而朝夕粥飯之資惟俸祿是賴臣之老父今
年七十有三疾病頻仍寧日恒少而菽水之具無以

自給藥餌之供不能及時年豐而瓶無餘粟冬寒而體無完衣此實通朝之所共憐悶況在人子之心其為隱痛至恨尤當如何臣有一兄纔通文籍不幸早死未及率養於父母十口之責都寄臣身而臣自少多病性且踈拙家人生業漫不省識迨貽終歲之劬勞未遂一日之便養雖過蒙 洪造遍歷清塗而此不過為一身之榮耀而已每誦宋儒古人一日養不以三公換之詩不覺顏慙而心驚寤寐所耿耿者惟在於得一小邑以其廩食之餘粗備甘澹之供及今西日之未頽獲遂反哺之微誠則臣之至願永畢於

斯昔在 肅考朝臣之祖父臣正重以館職乞養而
該曹防稟則 先大王下教曰儒臣情理極可矜憫
特為依願施行 仁言一布闔門感泣而子孫傳誦
至今以為美談此等格外 恩典臣何敢有所希望
於今日而適會 聖上以格天之孝奉觴 東朝壽
域含生懽忭惟均倘推 錫類之仁亦及不肖之臣
爰命有司畀以一麾俾遂其螻蟻之微懇則此於
孝理之下不為無助而 天地之仁父母之慈臣雖
隕首剖肝何以仰酬其萬一耶伏乞 聖慈恕其猥
越而少垂憐察焉

自忠州承名至城外乞免春坊疏

伏以螻蟻賤臣幸生孝理之世特蒙體下之仁
閔其家貧而親老許以一邑而便養臣誠含恩戴
德即將臣老父病母往就官所以其朝夕廩奉之餘
得遂烏鳥反哺之誠一飯二飯罔非吾君之賜闔
門攢祝圖報曷由惟是竭其駑鈍勉殫芻牧之責以
少酬聖恩之萬一即臣區區所自勵者也不謂乃
者因大僚筵白特命內遷舉之下邑刀筆之中廁
諸承華講讀之列臣是何人敢叨斯榮固當竭蹶承
膺對揚德意之不暇而第念所以名臣者以簡

擇宮僚輔導睿學為名而如臣無似乃膺是命夫
服之不衷猶懼其災以是命而加臣身臣何以堪
臣以疎野樸訥至無能之人前後濫叨講官殆過十
數隨行而進逐隊而退曾無絲毫裨補而適值睿學
尚在冲齡其所講討者不越乎章句訓詁之間則臣
亦自忘其蒙陋有除輒膺惟以得充講席之末仰瞻
溫文之容為一身之榮而已今也不然邸下智識日
長學業寢廣書筵所誦習者蓋皆孔孟之遺書而程
朱之格言微辭奧旨所蘊者至密所包者至大義欲
公私之卞身心體驗之方專資於授受討論之際而

一言之得有足以感發善端一字之錯或至於黜昧
經旨則其講法之精粗用功之難易不啻倍蓰於曩
時矣正使鴻儒宿學心得而躬履者當是任尚或難
之今乃以屢試蔑效之臣苟充其選委之以誘掖開
導之責此何異於強樵僥而勝千鈞哉慎簡僚屬羅
列左右孰不曰今日之急務而所以應之者匪其人
則慎簡之意果安在我命之以珍重而承之以輕眇
古人所愧此臣所以逡巡反顧不敢諉以宿趼而晏
然趨承者也且臣老父道路撼頓之餘宿病添砒寸
寸前進昨纔來伏郊次而目今証形以風痰為祟客

旅當寒調將失方輾轉層加十分危苦臣方左右扶
護實無跬步離違之勢似此情理臣若以瀆擾為懼
不自嗚呼則 慈覆之天何以 俯燭乎茲敢畧入
文字冒死陳懇伏乞 聖明曲賜鑑諒將臣所帶職
名亟許通免俾得安意救視以率惠養之澤千萬幸
甚

辭 世子侍講院輔德疏

伏以臣於胄筵勸講之任仕最久而效最蔑雖微人
言臣自知愧而特緣荐被 除命不敢一味違逋黽
勉逐隊今且月餘矣乃者憲疏之斥雖未必的指臣

身而反躬自照似若專為臣發伏增愧悚蓋臣自拜
本職在直者凡十日而其間書筵者七名對者九郎
下之於學可謂勤矣如使鴻儒宿學朝夕而左右之
乘此好箇機會痛下實地工夫則睿學之盛將不日
而化矣只緣臣學術蒙陋講席所討論者不過尋摘
箋註之餘傳會淺近之說一兩段而止耳至若致知
格物之方明善誠身之要所以為堯為舜可帝可王
者實未有以薰灌乎其耳浹洽乎其心講官如此何
以責夫學問之成就乎日再開筵觀聽則美矣日日
如此所獲者幾何臣每罷講退出未嘗不氣餒而心

作鹵莽之斥臣不敢辭然緊論講讀疎畧之失而不
言僚屬慎簡之道則恐於對症投藥之術猶有未盡
也嗚呼卽下以冲幼之年夙興晏食端拱臨筵若有
求於講官而講官所以應之者不過虛文故事而止
則卽下亦必曰所謂講學不過如此而已夫人情能
朝暮相接而無所厭敷以其有誠意之相積趣味之
相生故耳今也以虛文故事朝暮相接則誠意何由
而積趣味何由而生怠惰逸豫之萌將何道而遏之
乎不特如是又或間之以鄙俗不經之論柔軟可喜
之說則其為壞良知而敗正道又不但鹵莽而已自

古論教養儲君罔不有憂於是故程子亦嘗言之所謂習與智長化與心成正在跬步不離正人處涉經史覽古今乃其一端云者正此意也保傅傳一篇即周公之遺意輔養之成法而至其篇末直以一言斷之曰左右正則太子正蓋曰左右不正則太子不正云爾嗚呼可不慎歟伏願 殿下博謀於衆凡在我邸下左右者必得純質不雜直諒多聞之士文字講習之外俾有以誘發善端匡格非心招致宿德老成之臣使得以時出入誦說先王陳述仁義專責以觀感薰陶之功而斥退如臣不職之徒以風厲之又於

燕閒貽謨之際諄諄提誨必令親近正士以通情志
廣設疑義以博理趣毋事乎淵默專務於誠實銖積
寸累日強一日則以邸下聰睿溫文之資其於進德
修業將如春至木榮水流舟行欲罷而不能矣此何
等休福也耶區區愛戴之誠不勝惓惓敢於乞免之
章有此覩縷臣尤惶恐死罪格外恩推悚感轉深
而顧臣私義有難冒進茲隨天牌仰控微懇伏乞
聖慈亟命鐫削臣職以安私分焉

雷淵集卷之十目錄

疏劄

乞收還新資疏

辭承政院右副承旨疏

乞收還新授資秩書

辭成均館大司成書

請退行課試書

辭藝文館提學書

辭禮曹叅判兼弘文館提學書

郝堂會圈命下後辭弘文提學書

嚴旨後辭職書

辭弘文提學書

違召後請罪書

辭元孫輔養官書

再書

乞解輔養官書

請敦召在外輔養官書

病違召命辭纂修堂上書

辭撰闡義昭鑑跋文書

辭同知經筵事兼請先正贈誥勿書年號

書

陳輔養事宜兼請解備局提調書

乞解兼滯 經筵賓客輔養三任書

辭司憲府大司憲書

辭 元孫師傳書

謝 賜食物兼請解 元孫師傳書

辭兩館大提學書

再書

三書

禁推 特放後又辭大提學書

因李潭書請罪書

乞暇省母書

雷淵集卷之十

疏劄

乞

收還新資疏

戊辰

伏以天監 聖孝協成大禮自夫摹寫始筆爰及躋
奉之日日候清明祇事罔愆中外臣庶相告欣欣臣
忝在侍從竊不勝區區忭賀之至日昨伏覩 備忘
下者懋賞之典至及罔功之賤臣聞 命震惕靡所
措躬嗚呼今日臣子之得以效力於 先王者幸有
此一事凡在敦匠之列者孰敢不奔奏夙夜殫竭心
膂而蓋皆職分之所當為耳況如臣者不過以一郎

廳隨諸臣後奉 令董事而已有何毫分勞勩之可言而混彼存錄之典有若酬報者然臣心愧恐有不暇言而其在 明主愛頻笑之政豈不有嫌也哉伏乞 聖明諒臣由中之懇非出飾外之讓將臣資秩及新授職名並 命收還使 恩典無至屑越私分得以少安千萬幸甚

辭承政院右副承旨疏

伏以臣等猥荷 恩顧忝居近密雖材力薄劣不足以堪其任而若夫尊朝廷嚴隄防之義常兢兢奉持不敢失墜乃者護逆之論肆行於臺省之間不勝世

道之深憂敢附故事而陳啓及奉 聖批乃以此等
之習不取於今日為 教是臣等區區愚衷未能見
諒於 明主之前也臣等雖極無似問其職則出納
惟允之地也以其言則義理共公之論也而既不得
於其言徒自安於其職非臣等義分之所敢出茲敢
聯陳短章徑出 禁扃伏乞 聖明俯垂鑑裁重勘
臣等之罪以肅公法焉

乞 收還新授資秩書 壬申

伏以日月流邁懿昭世孫襄禮克完虞率遽訖伏惟
大朝鍾情之愛 卽下止慈之念觸境傷悼何以堪

任螻蟻賤臣竊不勝區區哀隕之至臣伏覩日昨

備忘下者以臣寫進哀冊猥蒙存錄至降加資之典

臣聞 命震越不省所措臣素不善隸書極知罔堪

任使而顧念臣之自効於斯禮者獨有此事不敢

控辭黽勉承膺其得免愆事之罪蓋云幸矣若復因

是媒榮濫竽諸臣之末而混被懋賞之典有若真有

可酬之勞則豈非僭猥之甚者乎況貳卿之秩古所

稱命德之器除拜之際恒加難慎而今乃舉而施之

於蔑功不才之臣臣之私心兢惶固不暇言而其在

聖朝愛嘖笑之政毋或有歉也乎左右思量決難叨

冒畧入文字仰控微懇伏乞 高明俯垂諒察轉稟
大朝亟命收還臣新授資秩以重公器以安私分焉
且臣月初見差承文院副提調此乃藝苑極選雖使
望實俱隆者當之尚或逡巡辭遜曾謂如臣無似而
可以叨竊乎既不客苟然承 命亦豈宜一日虛糜
并賜鑑燭即許輦褫不勝大願

辭成均館大司成書

伏以臣猥被 聖恩過蒙存錄獲霑進秩之典迭切
負乘之懼曾未幾日又叨國子匪據之任臣誠慙愧
隕越益覺措身之無所也凡有官守孰無其事而責

任之重是職為最作成人才以待 聖朝之需用者
由是焉砥礪士節以培 國家之元氣者由是焉申
明庠序之制立標準於四方式嚴考課之法示模楷
於一代者亦莫不由是焉其為任也若是之重故其
選也又從而至艱苟非經行文術素負士林之望者
罔或尸居歷考前輩之膺是選者其難慎可知也世
降才難造士敷教之道雖不能盡由古義俊彥之輩
出雖若小遜於 祖宗盛際然就其中求可以勝其
任者何患乏人而乃以末學謏聞之如臣者厭然叨
冒於師儒之首則臣之孤恩僨職固不暇論而在

聖朝綜理名實之政果何如也臣之空疎寒淺文質
無當非獨臣自知甚明臣之侍 邸下於春坊亦多
歲月竊想 睿照所臨庶幾俯悉其本末何待臣之
自陳也小善薄藝訖無成名求諸一身不見寸長而
徒以遭遇 聖明受恩深渥前後踐歷固非踰濫至
於是任則又僥僭之尤者也臣雖不佞粗聞古人量
入之義顧何敢徒恃 寵靈不揆涯分冒居臯比之
座厚貽賢闕之羞也哉義在引辭不敢徑進茲隨
名牌冒死陳懇伏乞 邸下深惟本職為任之重俯
量微臣不稱之實將臣新授亟行鐫改以嚴官方以

安賤分不勝幸甚

請退行課試書

伏以 三宮疹候遄復天和茲實 宗社無疆之慶
臣民忭祝曷有涯極臣本以謏劣待罪國子其於教
胄之責極知不堪而粗欲殫心於課試之末以效職
分之萬一矣不幸疹疾熾蔓士多違患寒節已半設
場無期臣亦入冬以後素患痰癖挾寒驟發少失調
攝輒底危殆辭單見阻求解無路此已萬萬悶感而
况此摠府兼任係是宿衛重地一向虛糜尤極惶悚
不得不仰首嗚呼控 貳極之下乞蒙 睿慈將臣

本兼並行鐫免俾便調息焉抑臣有一事煩稟者茲
敢附陳今年紅疹日滋月盛汔無止息之期而儒生
之從事課試者槩多年少之人故鮮或免焉臣於去
月初設行三抄而赴試者十減五六厥後一朔之間
又不知減得幾人矣其方痛者固不論而雖已痛者
病氣未蘇畏約多端今若使之暴露塲屋震撼風寒
食飲乖節起居失度則其安危存亡之立判不待醫
者而知之且陞學之規必須累次考試然後可以了
當積漸所染受傷必重其未痛者皆可憂也假使僥
倖而無慮忘生而循慾冒危而干名豈 聖朝訓士

之道也臣以為今年課試宜且停罷也臣又按續典
陞學當年內不得畢試者勿施蓋所以申嚴考藝之
法俾不得違越年條也此誠不刊之美規然乃若今
年則實關天行時運非人力所及在朝家斟酌權宜
之道恐不可一例槩之也欲望 邸下斷自 睿衷
特降 明旨稍俟開春疹氣消歇退而行之其於愛
養之方勸勵之道兩得其便而不相妨矣伏乞深留
睿念以幸公私焉

辭藝文館提學書

癸酉

伏以臣頃以館閣議謚事猥被 大朝召命臣於藝

苑新除自知僥濫之極豈有冒昧之勢而書籲難
冀睿燭達微恐煩聖心竭蹶趨造苟備一負而
庶偶放倒自顧慚慙若復寅緣叨竊視若固有則非
臣本意茲敢畧陳其不稱之實必適之義乞蒙睿
照焉噫文學之選孰非難慎而夫是職也專以潤色
辭命黼黻王猷為責自非問學該洽詞藻華敏為一
世所推服者罔或尸居故遴簡之嚴於斯為最歷數
從前踐歷者曷嘗有如臣空疎而濫竽其間者乎人
雖至愚各有自知之明臣之伎倆臣亦知之臣幼學
家庭粗通句讀而志識卑下才思鈍拙既未嘗刻意

於墳典又不能肆力於著述尋常文字應酬尚艱動
筆滯澁滿紙孔瘡雖知舊之謬相引重者亦不見許
以適用至於駢儷之體尤屬需世之文而性既不近
才且不逮運思則全昧指要纂言則不諧章程絲毫
無當於實用兀然遂及於遲暮臣之本末不過如此
而厭然自掩竊據匪據將使之貴飾治道而反以玷
累絲綸將使之標式文程而反以貽笑詞林即臣備
職之罪固不足恤而在 聖朝隨材授任之道果何
如也司馬光之文學德望百世所師而猶以不解四
六力辭翰林之職古人之當官不苟蓋如此今臣謏

才懵學百不猶人所不解者非止一藝則雖欲強顏
膺命以榮一身得毋為古人所笑乎臣誠不才無
所短長而愚樸之情不至為飾情矯辭今所自列亶
出肝膈非敢為一毫虛假上欺睿聽亦不敢效前
輩雍容遜讓自居以辭受之節也迺以量而後入官
師明訓既知不堪不容虛糜敢控微懇冀蒙鑑裁伏
願卹下深念重任之不可謬加下情之不可強拂
將臣職名亟行鐫改以嚴公器以安賤分不勝幸甚
辭禮曹叅判兼弘文館提學書

伏以臣自被日昨嚴旨迸出都門惶隕縮伏恭俟

威罰不意數日之中收回前

命甄叙如舊又未幾

日除書驟降以臣為禮曹叅判兼弘文館提學臣

誠感激

恩造不知死所

召命之下宜即趨承而

第臣夏間忝叨是任奉職不謹一曹三堂同日特罷

至今追思悸慄在心其何敢以日月稍久有所自恕

而晏然復據於債事之地也哉况此兼帶尤有不敢

冒當者提學為職實亞文衡資望既重遴簡甚嚴見

今膺是選者不過五六人而數其中遍歷兩館者又

不過二三人顧臣何人敢與是選况今儒教不端文

風日頽凡厥矯正作興之責專畀之館閣之臣苟非

學問博雅鑑識精明為多士所推服者莫宜居之顧
臣何人敢任是責即此二者而臣之進退決矣若臣
之空疎實狀已悉於頃日藝學辭本竊想 卽下亦
或洞察其本末何待臣之縷縷更陳也且臣伏見
聖明為政綜掾名實雖庶品末流必欲量材而授職
此誠美意也顧獨於文學之任上或有濫授而下或
有冒據則有識者必曰 聖朝不尚文治歟何詳於
有司而忽於儒學也其為治教之累非細故也臣誠
不才無以報答 聖恩亦何忍以 國家名器苟榮
一身反以累右文之治也伏願 高明俯諒臣言之

出於肝膈勿以例讓視之亟賜鐫改公私幸甚

都堂會圈 命下後辭弘文提學書

伏以臣疾病踰蟄之中伏奉 除旨以臣為弘文館

提學旋以都堂會圈 名命儼降噫堂錄重舉也黜

陟名品非可責之於人人者而三易其人則亦及於

必不堪之臣夫以臣之必不堪而承諸臣逡巡之後

私心之兢惕不寧固不足言而其於損 國體何債

國事何此外抑又有決難冒之義蓋館錄之始出也

前提學尹汲以圈點時失格事有所酬酢於公廳而

及夫都堂 命下之後固辭得通昨今以來兩重臣

又皆不為膺 命或譴或逋而畢竟副急之責忽及
於臣顧臣寒劣有何見識有何力量自謂踰人而獨
擔人所不擔之重負乎噫材彥之鬱滯 大朝之所
軫念臣雖至愚豈不思仰體 聖意而區區難進之
情如右所陳問備 荐召之下轉動無路畧入文字
仰控微懇伏乞 睿慈亟降威罰勘臣違傲之罪將
臣職任回授可堪之人使 成命毋稽圉事造完不
勝幸甚

嚴旨後辭職書

甲戌

伏以臣兩日之中五逋 嚴名義分都虧萬戮猶輕

臣雖在胥譴之中適值 邦慶之將至不敢自阻於
賀班黽勉一肅情禮少伸而惶慄之情何敢暫懈于
心此際伏承昨日 大朝傳教辭旨極嚴臣擎讀未
畢惶汗浹臚益覺措躬之無地也蓋伊日延祥詩科
次也 中宮殿帖子製進者只一人而已不獲已就
其中抄進二首而其犯諱處臣實矇然不能覺察致
煩 聖教仍降重推之 命臣之不謹之罪於是著
矣夫下土新進之不諳所諱誤有觸犯者猶不免無
妄之誅况臣忝在近列不能致謹於當謹之地其罪
尤大曷敢諉之以已經薄勘而有所自恕乎伏乞

邱下將臣見帶文任亟行鐫削以嚴國體焉且臣累日觸寒之餘素患疝氣驟發而甌積痰亘中浮熱上熾急喘虛汗若難保晷刻當此百僚庭籲群情焦迫之日願無以致身末班一效其叩閭之誠有臣如此生不如死亦乞并施威罰以警百僚焉

辭弘文提學書

伏以如臣無狀濫叨匪據罔堪任使重惹事端自承頃日聖教不勝震慄愧慙蟄伏郊次杜門訟愆者今且三易月矣不意茲者特蒙天恩既從甄叙復授舊踐繼以泮製有命促上來臣祇奉恩誥

稽首至地不知負罪賤臣何以得此於聖明也在
臣私義固當不計顛沛強策癘疫以少伸感激之忱
而第念新授見職即臣債事被譴之地曾未幾何以
臣代臣宿愆未贖榮銜如故在聖朝綜理之政不
宜褻越至此雖以臣區區廉隅言之亦何敢貪恩忘
罪晏然就列全拋息黜之義重犯吹薤之戒也哉噫
臣之向來陳書豈可已而不已哉成命久淹名
牌驟降臣欲進而承命則館圉方有人言堂錄未
可遽議也欲造事違逋則下情不一仰徹分義轉益
惶悚矣且臣之愚意以為伊時文任之臣與東壁叅

圈之人酬酢於政院稠坐此與私室談話事面懸殊
有非自下方便之事必須一番登聞以俟進止故臣
果畧舉其槩以明不敢膺命之義而曾不悟推上
朝廷之為猥越也且臣以為自昔圈薦之事尤以格
例為重夫再入可許也三入孰禦也追圈可為也疊
圈何懲也其意雖急於完錄其漸必至於流弊亦須
一番登聞以待矯正故臣果畧陳所聞以明決難當
圈之義而曾不悟追提往事之為煩瀆也臣之踈迂
迷滯不諳事情蓋多類此然亦何嘗有一毫他意之
萌於其間哉及夫諸臣之書次第而出則本事之外

辭說層激畢竟兩臣俱被筵斥然其被斥也非圈事
之為咎惟互爭之是責則究厥爭端亶由臣書言雖
出於無隱跡實涉於惹鬧 聖旨誨責之下有汗浹
背有愧在心歷累月而縻寧目今疾病嬰身萬念都
灰而兢惕之情未敢一日懈于心此際 恩命豈臣
夢想所及哉臣雖陋劣即其所叨是何等職也前則
由是而獲譴後則由是而媒進覲然冒據視若固有
則是果何等人耶且臣病裏時時記誦 聖教矣
辭旨嚴截之中實有勉戒之意在臣銘佩之道宜靜
不宜動然前倚衡此義皎然催 名遠臨而轉身無

路儒生課試自有程期而緣臣癯曠又添一罪茲敢
悉暴微懇仰瀆 睿聽伏乞 高明削臣見帶之任
勘臣慢 命之罪以嚴 國體以安賤分千萬幸甚
違 名後請罪書

伏以臣於昨日以 真殿親享時祭文製進伏承
大朝召命絲綸代撰雖非臣所職苟無情勢之難冒
者猶可以黽勉承膺而第臣頃於 殿講入侍重被
大朝嚴教追思至今惶汗浹背目下悚慄之情實無
束帶趨造之勢 天牌之下未免違逋臣罪至此萬
戮亦輕矣噫我 聖上所以優容諸生視之如傷者

德意藹然而臣誠愚昧不能仰體出柱之際果涉踈
率此臣之罪也臣既面承 責教顛倒退出則雖荷
寬恩幸遠大何所帶職名自在應通而候院不諒長
單見格虛糜榮銜經涉時日私心悶鬱食息靡寧尚
何敢違恃 聖慈委蛇自在奔奏於職事之間哉此
非特區區廉隅之所不能安實亦義分之所不敢出
也即以端午帖出韻科次 名牌又降而顧臣震惕
之情今猶昨也左右思量轉動無路畧入文字仰控
微懇伏乞 睿慈俯賜鑑諒將臣本兼諸任亟行鐫
削仍治臣違 命之罪以肅頹綱以安賤分千萬幸

甚

辭 元孫輔養官書

伏以臣頃蒙 聖恩得除下邑將母之任行有日矣
千萬夢想之外伏承元孫輔養之 命愴悅震惕繼
以慚汗不知今茲之 命何以猥及於臣身哉噫
國家用人貴在量才而授職人臣受任義當揣分而
就列一或上有所謬舉下有所冒據則累名器壞廉
耻非細故也凡以輔導為名者孰非慎簡之任而蒙
養之初尤難其人蓋其所以誘發良知開導聰明者
不專以言語文字而多在於薰陶觀感之間苟非成

德宏儒朝夕而左右之罔以責其成效 祖宗朝以
來最重是選前後踐履者莫非山林耆碩間或叅以
在庭夙夜之賢而亦皆望實俱隆為一世所矜式者
曷嘗有如臣之謏才懵學而擬議於其間哉臣之空
疎實狀臣頃侍 邸下於胄筵積有年月 睿照所
臨焉可自揜臣素善疾病性且疎懶早失師受之業
全乏自修之功及今衰暮遂成暴棄雖閭巷童習之
流章句教授之責尚非臣所可彷彿況今所叨是何
等責任而上可以濫授臣可以冒膺乎書曰無曠庶
官有官而不得備負備負而不能得人皆謂之曠今

以待賢者之位混施之至無似之臣非所以備負亦
非所謂得人其為曠官孰甚於此臣恐世之有識竊
議聖朝之舉措也臣伏聞元孫未離乳抱而天資
夙成凡在遠邇舉有拭目願覩之誠使臣苟有可進
之勢因此得近左右一瞻儀容豈非大願至榮而惟
其自知甚明自量已審寧犯孤恩之罪不敢以趨
命為恭徇徯累日須至冒死陳懇伏願 卽下諒臣
至懇仰稟 大朝亟改臣新授輔養官之 命以重
公器以安賤分不勝幸甚

再書

伏以臣頃上辭本罄悉衷懇冀解輔養官之任而不
稱之實難冒之義或庶幾 萬明俯燭劃賜鑄改矣
及承 下荅甚失所圖臣誠惶隕悶感益覺措躬之
無地也噫輔養為任實兼周官保傅之責國家設此
官必待耆德宿學之士而處之者其意豈徒然哉蓋
欲其自在孩提習見正人以長其親愛士大夫之心
也其為教也至微而密所係者甚重且鉅非如凡百
有司之官循資充位苟舉職事而已也雖以 睿批
辭意觀之是任之與他職有異 邸下亦既洞悉矣
惟其有異也故遴簡之際正宜益加難慎如使空疎

寡陋之如臣者亦得冒廁於山林宿德之間而苟備
其一負則惡在其難慎惡見其與他職異也元孫甫
離襁褓似若無急於輔導之節然小學始教自食食
能言莫不有教凡厥誘掖薰陶之方正宜不失此時
雖在燕私奉侍之列者猶當慎擇其人況於輔養之
任而其可混取凡庸以褻其左右以穢其聰明也哉
臣雖至愚自知則甚明語其學術則不過章句之餘
業語其名品則不過仕宦之末流環顧一身不見寸
長而乃區區所自勉者惟在於謹守常分以少答
聖恩而已以今所叨反以自量其為僭踰常分不啻

若負而且乘矣臣心之愧恐不安猶係一己之私顧
何足道而所可懼者 聖朝名器由臣而益輕 祖
宗設官之意由臣而寢乖耳夫當職控辭有官者之
常例而今臣至懇亶出肝膈非敢為一毫矯飾上欺
睿聰伏願 邸下俯垂鑑諒亟 賜矜許使朝無濫
官之譏臣無竊位之愧千萬幸甚仍伏念明日乃元
孫生辰而臣方在祈免之中本廳起居之禮亦且闕
然尤不勝惶恐之至

乞解輔養官書

伏以臣自叨見任今且再易月矣揆分量力終匪所

據屢章瀝懇冀回 睿聰而見阻喉院無由 徹覽
近又重患風痺厥証類中臂麻如贅頭暈若旋沉困
床第動涉旬日則數行文字亦無以構綴因循虛糜
視若固有尋常兢惕若隕淵谷此際伏承 大朝傳
教下者病裏踖躅益不勝惶恐死罪之至蓋元孫輔
養節目無端的可據之文故今番該曹之磨鍊 啓
下者一依乙卯之例臣誠矇昧徒知照例奉行而不
敢妄存差等及夫處所 命下之後則其修補之多
寡物力之斟酌臣則一委有司之裁量而不敢輒有
主張雖緣理勢之或然論以事體烏可免昏憤不察

之罪乎 責教之下慚慙交中歷日靡定殆不覺疾
病之為痛也仍伏念節儉為國即 大朝所以貽厥
孫謨而臣官以輔養為名首犯侈大之罪其為失職
孰甚於是理宜亟賜譴斥以警官師而過蒙涵貸罰
止問備此尤臣之惡感不敢安者也茲敢不避萬死
猥陳危懇伏乞 邸下俯垂矜察將臣輔養官之任
即行鐫削仍治臣瀆擾之罪以嚴 邦憲千萬幸甚
請 敦名在外輔養官書

伏以臣於昨日怵迫 成命冒行大禮榮忤之極兢
惶隨切初次相見禮之必待備負行之舊例則然頃

者改擇日下教時臣適叨侍衛敢以此意仰達而
未蒙俞可臣既未得請於榻前退又書陳於
邸下有所不安黽勉膺命而以事體則未免苟簡
以私分則至為猥越且伏念一月三接自有定式則
內閣深嚴非且獨自出入之地冲年輔翼非臣獨自
堪承之任一念悚惕不啻若臨深而履薄也噫國
家設此官必以山林成德之士處之者其意豈偶然
哉良以習性之薰染莫捷於幼年言行之孚感莫切
於身度必得此等人以相磨漸方可責夫端本養正
之功是豈謏聞末學所可與者哉乃者在鄉儒臣以

宿德重望膺茲掄簡朝野舉有得人之喜而儒臣既以疾病為辭造朝無期朝家循例下諭之後未聞敦名之舉臣竊惜之元孫天資夙慧良知方開言語文字若可以通悟早諭之方未宜一例濶畧頃日

大朝廷中有一重臣請擇內侍中愿謹者奉侍元孫而聖意深以為然此誠蒙養之一端而顧獨於儒臣敦名之事曾不以一言警歎之臣竊惑焉臣累日禁直宿疾復作委席沉困殆無人事而既有區區下懷不敢不言欲望邸下深留睿思益加誠意招徠儒臣專畀輔導之責俾有實效則臣亦與有

幸焉

病違 名命辭纂修堂上書

乙亥

伏以臣頃忝國子兼任伏承儒生勸入之 命而母
病適苦冒控私懇未蒙 睿諒勉令察任兩日之間
五 名踵臨忭分畏義抑情膺 命而臣之愚意竊
謂儒生捲堂雖或過當自有所執有不可勒令還入
必須自 上備加慰諭然後從容勸入方易為力而
累次草記無由 登覽半日求對未蒙 許入區區
導達之衷終無以自徹於 天聽徒使聖廟空堂拖
至六日茲實曾所罕有而即臣之奉職無狀無所逃

其罪矣畢竟解任薄罰不之少贖其萬一而惟是
聖教中 辭旨極嚴有非臣子所敢聞者臣奉讀未
半慚惶震凜歷累日而靡定不敢猥入文字仰暴危
惻只得縮伏私次恭俟 嚴譴而狗馬賤疾又復添
砒於換序之際日久不治証形驟變寒熱迭攻痰火
交熾急喘虛汗若不保須臾廢啖閣睡人鬼莫分者
今且數晝夜矣日昨自 大朝有纂修諸臣入侍之
命而顧臣情地之悚慙固不敢委蛇自在進身於
殿陛之間况且目下眊眊之狀便同蘧條雖欲強顏
冒進實無一分自力之勢 特教之下竟未祇承揆

以義分萬戮猶輕轉輾床第兢惕靡寧殆不覺疾螻
之為痛也茲冒萬死敢據微懇伏乞 睿慈亟降威
罰重勘臣前後罪負以嚴 邦憲仍解臣見帶纂修
之任俾便調息千萬幸甚

辭撰闡義昭鑑跋文書

伏以臣伏聞昨日 筵中因大脩陳白有闡義昭鑑
跋文使臣撰進之 命臣竊不勝兢惶之至臣之文
辭拙陋不合是任姑未暇言而在前此等述作係是
國家垂後文字故必令時任館閣之臣而撰進者例
也蓋所以重其體也存故事也況是書之纂修本意

至為嚴重 御製綸音并在卷首則其跋尾之文固
非人人所敢為也見今方帶館閣之任而兼掌纂修
之事者其人具在舍是應製之人而移屬於臣恐非
所以重其體而存故事也在臣私義亦何敢視若已
任苟然承膺以貽代斲之譏我藉曰臣曾忝館閣而
與叨斯役亦宜有一文字云爾則見今纂修重臣之
原任館閣者不止一人又非臣所敢躡當也伏願
邸下轉稟 大朝亟將臣跋文撰進之 命改授他
人使大事毋至苟簡不勝幸甚

辭同知 經筵事兼請先正 贈誥勿書年誦

書

伏以日昨 大朝視學也臣猥承同知 經筵之

命獲侍講席與覲盛禮雖無稽古之力有以裨補於
討論是日所蒙已多於古人矣榮忭之至不知所喻
第念 經筵論思自古號為極選苟非宿學雅望為
一世所推服者不宜濫授亦莫宜冒據臣之除拜是
任實為視學前一日事在面前辭遜無路雖不免黽
勉出膺而因循苟叨豈臣私義之所敢出也伏乞

睿慈俯諒微懇亟解臣 經筵之任以重公選以安
賤分焉抑臣伏聞昨者 大朝筵中以先正臣宋時

烈從祀 敎書中官銜誤書至有承旨及製進人問
備之 命所謂製進人即臣也臣以無似猥膺鉅任
藉 王言之重贊大賢之德得免僨誤固其偉耳若
乃先正 贈秩之有無其考檢 啓稟則有司存非
臣所敢與也雖然因此事會得以悟發 宸聰謂先
正之尚闕褒贈實為一代缺典 特降追命寵以上
公事係斯文有光 聖德臣亦兢惶之中與有榮焉
臣竊攷先正年譜 孝宗大王嘗有 特教凡於先
正誥命勿書虜中年號永為定式當時 君臣際遇
之盛即此而可窺其一端而春秋尊攘之義亦寓於

其中至今國人傳誦以為美事矣臣謂今茲 贈爵
誥命亦用故例勿書彼中年號一以體 聖祖尊賢
之意一以聳多士拭目之觀允合事宜臣論思之職
見未卸解苟有所懷不敢自隱

陳輔養事宜兼請解備局提調書

丙子

伏以臣素患痰眩之症淹冬浹春一掾沉困重以眼
青苦視殆不能辨物元孫宮月三進見或不長如式
職事曠缺怵惕靡寧仍伏念元孫今纔五歲夙悟異
凡動容周旋漸就規度童孺嬌惰之習不形於外此
可見 聖朝家法之正而其得於天資者亦足推知

也臣於進見日每以孝經小學中要語解說字句而
誦讀之際音節不錯似若畧曉文義間有箴規亦或
留心聽受成就德性惟此時為急而如臣無似素昧
學問雖使日三進見終歸於應文備禮而止顧何益
於蒙養之道哉臣頃嘗陳書請招徠在鄉儒臣而
邸下荅以留念矣側聽踰年迄無敦名之舉臣誠
悶鬱焉若以元孫尚在幼冲凡厥輔導之節猶可姑
徐云爾則臣竊恐其未然小學始教自食食能言莫
不有教今元孫知識寢長理慾將分所以誘掖而薰
陶之者正宜不失今時雖在燕私奉侍之列者猶當

慎擇其人況於端本養正之功烏可濶畧如此耶伏
願 邸下更加 睿念積誠名致專畀導迪之責俾
有實效焉且臣竊考乙卯輔養日錄最初差下者三
人外因其時輔養官陳白加差二人又置諭善等官
或旅見或迭見雖有疾病事故多負自相推移進見
之禮未或廢闕也伊時 邸下方在襁褓而輔翼之
具詳悉如此豈非今日所當法者乎亦望 邸下仰
稟 聖上俯詢大臣畧遵此例量宜加差使得以時
進對羅列左右肅敬之容廣接於目義理之談交灌
於耳則其所以默契深論於不言不覺之中者豈淺

勘哉臣謂誘發良知開導聰明莫有善於此者伏願
留神垂察焉臣治書既成而始伏聞日昨賓對因大
僚陳達有新差備堂不行公者問備之命臣亦其
一耳竊不勝惶悚之至臣資性疎迂百無一長世務
人事郝不經心雖尋常職事尚懼不能稱塞矧今見
叨其責任之鉅委畀之重果何如而如臣儻侗一措
大亦得參錯於其間則其為累於綜核之政者豈云
微乎方今饑饉盜賊艱虞溢目顧瞻中外無一處不
病彌綸懷保之策專責於廟堂則雖使曉暢練達之
士發謀出慮動中機宜猶懼其不濟願臣有何才識

可以裨補萬一而覲然冒進乎其將泯默而坐委蛇而退則於國事何賴其將強其所不知以為知掩其所不能以為能則在臣心為愧左右惟度承膺無路賓廳本司之坐一例逡巡蓋其自量已審非直為病故也伏乞 俯賜鑑諒亟 命鑄改以嚴公選以安私分不勝幸甚

乞解兼帶 經筵賓客輔養三任書

伏以臣於日昨猥叨賓客兼銜方今 睿學時敏講筵日闢凡在左右輔導之列者尤宜慎簡自顧謏劣實非其人方擬陳章控解冀得解免矣適會 大朝

親試武士而臣於是日忝授兵曹參判 侍衛之列
不容暫缺怵畏義分竭蹶承膺而至於新授兼銜之
不容因此僥冒蓋已決矣抑臣竊有所兢惕于中者
夫 經筵論思宮賓講討元孫輔養其責任之重遴
簡之嚴果如何哉雖使望實俱隆者當之猶將逡巡
辭遜况以臣之末學謏聞而一時兼帶盡有其三臣
心之愧慙不安猶係一己之私顧何足道而所可懼
者 聖朝名器之重將由臣而輕而徒使當世有識
妄議 國家之乏人非細故也且臣素患風濕聰聽
不利衰如之狀有妨問對夫以尹和靖之大儒猶以

耳病固辭講官臣雖不肖敢忘斯義臣之冒具長單
乞解經筵已浹數朔而一例為喉院阻却居恒悶
感若擔在肩矣不意宿擔未卸又重載之是豈如臣
薄劣所可堪勝者乎伏乞 睿慈俯諒臣至懇重出
中心非由例讓將臣諸任並行鐫免使朝無濫官之
譏臣無竊位之愧焉

辭司憲府大司憲書

伏以臣猥以無似謬叨匪據姿非骨鯁病是膏肓其
於進退之義固已商量爛熟而適會試事匝日監臺
缺負 大朝靜攝之中輒煩 聖念至有長官進去

之 特教義在往役不敢顧私啣 命奔奏以夜繼
晝者今已若干日矣臣素嬰痼疾風痰為祟少失將
攝動涉危域而奉 命在身不遑自便曉霧夕風中
傷不細一日二日黽勉挨過矣即於赴坐試藝之際
忽覺神精迷瞶如在夢境肢節之麻痺驟發於受風
之地頭目之旋暈越硯於稠人之場退卧傍舍不省
四到傍觀為之憐悶臣亦莫分其人鬼矣今臣病狀
如右雖欲強作氣力束帶叅坐其勢末由且念在外
僚貲皆已上來新授臺臣無故見在推移備貲不患
無人而若臣目下症形切須及時療治始可得尋生

路茲敢不避瀆擾冒死控籲於 睿慈之下伏願
卽下俯垂矜察將臣所帶職名亟行鐫削使試事毋
至久曠殘喘得以少延公私不勝幸甚

辭 元孫師傅書 丁丑

伏以臣以至愚極陋猥叨輔養之任三年于茲絲毫
無補尋常兢惕若臨淵谷不料千萬夢想之外伏承
除旨以臣為元孫師傅相見之禮指日有 命臣慙
愧震悚繼以慚汗不省措躬之何地也凡以輔導為
職者孰非遴簡之任而此官之設實翔自今蓋倣周
官保傅之義專畀冲年導迪之責地望最重不與他

此除非宿德宏儒矜式一世者莫可擬議而今乃舉而授之於已試蔑效之臣厥初設官之意豈亶如此哉臣伏覲聖明為理綜核名實雖小官末僚必欲人器相稱臣竊美此舉常以為率是道不易國其庶幾矣今縱不能竭駑鈍以裨聖德亦何忍玷名器以累明時哉臣誠不才無所短長而乃區區所自勉者惟是謹守拙分思罔或踰以少答聖恩而已以今所叨反而自量雖負者且乘不之喻其僭踰矣私義慙感顧何足道竊恐當世有識為聖朝惜此舉措也且臣近患風痺厥証類中臂麻木眊眊不佳

高頃以儒生課試累日觸寒病形越添動涉冬春見
帶宮賓之任不容一例虛糜長單乞解今又若干
日矣前辭未獲新命繼下顧此兩任豈一人所可
並帶者乎揆以官方宜有變通茲敢不避煩猥畧入
文字欲乞睿慈俯諒臣至懇亶出中心非由飾讓
將臣賓客師傅之職并行鐫免以重公選以安賤分
不勝幸甚

謝賜食物兼請解元孫師傅書

伏以頃日筵中大朝殿下特提臣名復授元孫師
傅使之著意輔導旋因大僚陳白勿施臣乞郡一事

宣賜食物俾養老母 聖眷隆厚迥出常格慚惶感
激不知攸處仍念臣以庸資下品叨厠宰列絲毫罔
補愧懼迭積冲年輔養之責極知非臣所堪而強顏
膺 命不敢終辭者粗欲自效章句之間庶圖萬一
報荅之階而已及至元孫德性日就問學寢將則臣
亦低徊戀慕未忍便辭雖母老家貧一養之為急而
泯默隨行不遑言私者于茲四年矣適會秋間臣得
解見職始敢以烏鳥私情冒瀆 睿聰幸蒙 卽下
曲賜矜許而不料未旬月之間復叨此 除命臣誠
愴怛悚惕不知隻鴈飛集何足多少於廣朝而遽辱

此誤 恩也此時輔導誠為急務凡在講席尤宜遴
簡自今前望當次之人其他文學拔萃之士磊落相
望選而任之何患乏人而顧今已試茂效之臣復畀
從前難勝之任有若當今此任非臣莫可者然此在
微分固不勝其兢惶慙感而揆以朝家舉措亦未知
何如也至於食物之 賜尤係曠絕之 恩前此被
茲 寵賚者多出於耆臣宿儒格外周急之典豈有
如臣無似而與叨斯榮者哉臣固知 聖意愍念臣
區區情私使得以惠養老母不敢輒有辭遜謹已拜
稽祇受 德侔推食仁踰挾纊母子相對感祝 天

慈恩惟酬報之道髮膚亦非所惜而才識短淺既不
乏仰塞隆委加以年衰病痼志業消沮正恐孤負
聖眷徒增罪戾撫心怵惕食息靡寧早宜冒入文字
仰陳祇謝之忱兼控難冒之義而舊患風眩挾寒驟
碗沉困床第經涉旬日今始艱具書本畧申微悃伏
乞睿慈俯垂矜諒晨昏之暇轉為導達解臣職
名以處賢彥使講學毋至曠廢賤分得以少安千萬
幸甚

辭兩館大提學書

戊寅

伏以日月流邁

兩魂殿祥禪奄過夏序又已季矣

伏惟 大小朝撫時哀慕益復罔極下情不勝悲係
之至仍念臣猥以謏劣廁清朝曾無尺寸之長絲
縷之補而徒藉先蔭過蒙 殊渥前後踐履罔非踰
分至於所被 新命尤是夢寐之所未到臣誠驚惶
震惕若隕淵谷寧欲逃遁而不可得也夫以學士為
職者孰非極選而加一大字兼長三館則職事尤重
選法愈嚴故有識者視此任之得人與否而文教之
污隆士趨之哇正辭命之得失十卜其八九焉則此
任也上可以非才而濫授下可以不量而冒據乎
祖宗朝盛際培養有素全才宿學蔚然輩出然而歷

數四百年間膺是選者不滿百人其難慎可知也目
今人才之盛藉曰不及曩昔苟求其踰於臣者殆可
以斗量車載何患乎乏人而必取於最下如臣名之
曰國之文衡即臣之惡感不安猶係一己之私顧何
足道所可懼者名器授受之重由是而益輕 國家
設官之意由臣而寢乖耳臣之不才無學非獨自知
甚明臣叨侍 大小朝講筵積有年月其空疎無用
之實 聖朝想已俯悉之矣臣猥玷館閣之任非止
一再其鹵莽不堪之狀國人亦既具知之矣何待臣
之畢辭而曉然也惟其衰疲弛廢不任重負雖知舊

之素相憐愛者猶不如臣之自知况敢望 高明之
俯燭乎臣少嬰痼疾不力于學及今衰暮遂自暴棄
志氣日益退聰明日益減而病崇風痰最妨湛索舊
誦都忘新得不續凡係文字酬應未免一例謝絕時
或勉強為之譬如秃毫寫字頓無鋒穎鈍銕雕器莫
掩瑕疵似此伎倆雖瑣少觚墨之役猶恐不足稱副
尚何望主盟詞垣黼黻 主猷以塞職分之萬一乎
臣既心知其不稱而厭然自掩竊據匪據則畢竟債
職之衆固不敢逃其於辱 聖簡而累文治何哉抑
臣又有所兢惕于中者文衡之疏薦其代固自有

國朝故事而必待一代詞宗衆望所屬而後可則是
蓋稀濶不常有之舉矣今臣素乏古人出類之才反
膺近世罕有之選是豈臣之拙分所敢安者哉百爾
思量斷無承膺之望而連值清齋控籲路阻日逋
嚴名衆戾山積區區惶悶之情豈但為私而已伏乞
睿慈俯賜諒察轉稟大朝將臣新授大提學之任
亟行鐫免以幸公私不勝大願

再書

伏以臣頃入文字冀解新除拙訥之辭雖不乏仰
格崇高悃悞之懇或庶幾俯賜鑑諒矣及奉

批旨大失所圖臣誠俯仰跼蹐蓋不知措躬之地也
伏惟 聖明在御綜理為政官無大小皆欲長短得
所甚美意也顧於微臣擬用非倫殆無異於負焦僥
以千鈞而強之馳走也顛沛之虞豈止於一身而已
哉臣於是任百無一堪而驟其不可冒膺者有三敢
冒死自陳之伏願 少垂察焉臣受性疎迂不閑世
情一切榮塗匪思所存而偶因承乏遂成資歷前後
踐履固非僭踰古人所譏清官美爵終身安坐而得
之者不幸近之居常愧惕若隕淵谷滿損之懼止之
之戒未嘗須臾而忘于心矣況今所叨地望之清要

責任之隆重又不與他比臣若貪榮怵分竊據匪據
視之若固有是不特有負初心人非鬼責理所必至
其不可冒膺者一也臣之少也未嘗篤志為學中年
多疾益自荒嬉古今書籍多未窺斑尋常著述漫不
成章間識之孤陋才思之鈍滯人或竊譏臣亦自笑
至如駢儷等體尤屬需世之文而旣無宿工全昧章
程代撰絲綸則血指汗顏短拙莫掩考試功令則
遺珠揀礫鑑別或賄祖宗之設置此官將以貢飾
辭令聳觀聽於四方簡拔一俊立標準於多士而凡
此二者皆臣之所不能其不可冒膺者二也文教之

廢弛莫此時為甚 國家培養之功有遜於盛際庠序作新之術不由於古義儒生以端坐攻業為拙計文士以讀書從政為二歧志尚卑下轉相薰漸風習一變泯然同色而若臣者亦其中一人耳今使臣居矜式之地任導迪之責則此真所謂見正於人之不暇惡能正人者也竊恐無補於文治而適為不學者之勸其不可冒膺者三也古之人臣不苟於居官以宿德大儒如司馬光而於其所不能尚且遜避況臣之所不能者不但四六不可冒者非止一二加以蒲柳之質多病早衰精神凋耗都忘舊學文思茫昧反

失故步正使方在是任猶當量力引退顧於新命之下強自修飾掩其不堪之實徒占一身之榮臣雖不自知愧獨不為有識者所竊笑乎思量已熟義在必辭而一日二日虛糜華銜逋慢之罪益無所逃茲敢不避煩瀆申控前懇伏乞 睿慈諒臣所辭亶出血悃非由文飾將臣新授職名亟行鐫改以重公器以安賤分不勝幸甚

三書

伏以臣罄竭衷赤再瀆 崇嚴或冀曲被照諒劃賜準許矣及奉 批辭俞音尚闕豈臣之誠意淺薄未

是以上格 睿聰耶抑 卽下視之以當官例讓而
人器之不稱或有未盡俯悉者耶臣於是益不勝惶
感悶鬱之至噫文運之盛衰與治道相上下而盛衰
之機又係於文衡之得失自昔官師之選壹於是兢
兢焉者非苟以此一官榮一臣而已誠以所係者若
是其重且大也臣竊伏見 國朝四百年間功德巍
煊有大制作焉有大號令焉琬琰之光真可以焜耀
百代而語其黼黻潤色之功則當時之職文衡者未
嘗不與有助焉又竊觀 祖宗朝名臣碩輔濟濟相
望有以經術焉有以文章焉聲明之盛真之以彌綸

一世而求其作興鼓勵之功則當時之職文衡者未嘗不與有力焉夫以一官之得人而國家之食其效者如此其失人而受其弊者又可推而知也授受之際可不慎哉挽近以來人才貯養之具漸不如曩昔而學職掄簡之法日就於陵夷遂使文垣司命之任亦及於賤臣顧臣有何學術可以弼文教有何詞藝可以責誥命有何間識可以躋俊髦而乃敢唐突擬議於是任乎三者無一焉雖欲奉令周旋少承委用之德意其將於何藉手乎故相臣張維之辭文衡曰假使今世都無一人可堪此任如臣者決不當

承之此在張維固為過謙之言而自臣視之真若自
其口出也臣誠不才而樸愚之性不能飾詐况敢於
离照之下乃為矯情文辭以圖便身之計哉所以瀝
血控籲再三而不已者正欲朝廷用人不枉其材微
臣受職不失其分而已伏乞 睿慈深察重任之不
合虛授亦諒至懇之不可徑拂 晨昏之暇仰稟
大朝將臣新授三館職名亟行鐫改以便公私千萬
大願

禁推 特放後又辭大提學書

伏以臣屢控血籲 俞音日邈積逋 嚴名罪戾日

深而素患痰癖之症又從而挾暑苦瓠既冒干於斧
鉞又積困於鉞灼誠恐一死之無日矣不意日昨伏
承大朝入侍之命臣雖無狀粗聞不俟駕之義
況於特召之下何敢遲迴一刻而重擔在肩自覺
趑趄於進步沉痾絆體不能黽勉於趨命違傲之
罪萬死猶甘置對薄罰何足贖其萬一而曲荷聖
朝至仁至慈罪名未勘恩貸旋霈臣於是日感祝
之心惶隕之情交切于中縮伏私次泯默俟譴寧欲
溘然無訛而不可得矣不料茲者令召又降在臣
分義固當竭蹶趨膺不暇他計而第伏聞伊日聖

教至為嚴重撫躬自訟惶汗未乾雖荷 涵宥免作
囹圄之鬼追省罪負猶在席藁之中尚何敢憑恃
寵靈晏然就列以自陷於貪榮忘罪之誅也哉茲敢
扶曳病軀十顛九踣祇詣 禁扃之外冒控瀝血之
懇伏乞 睿慈俯垂矜諒亟削臣見帶之職重勘臣
慢命之罪使朝綱肅而私分安千萬至幸

因李潭書請罪書

伏以堂錄重舉也以臣鑑識之不明見聞之不周而
叨備任使與聞黜陟其所權衡烏能盡愜於物情況
今番圈錄積累年乃成材彥鬱滯掄揀尤難始之欲

簡者終至於稍廣雖其勢固然以此咎臣臣亦不辭
而若以循私蔑公肆筆聲罪如前校理李潭之所云
云者不亦異乎其中安杓一事身撞臣身臣誠駭惶
悚惕歷累日而靡定也噫臣與杓雖有連姻之分元
無可避之嫌則特一知舊耳雖臣自舉在臣無歎况
其質行文學素為士友之所推不待臣提說而其名
已出於公坐臣何可自拘法外之嫌固拒僉同之論
又何能逆料不虞之斥阻人方進之路乎揆以常情
恐無是理人雖不諒臣則無愧第聞其前席奏對
語無摸捉而意實深巧近臣告君之辭何乃謊誕

若是也臣竊憂之至於李敬王申思運之允合是選
衆議之所許而臣亦許之其他取舍之際豈無可否
之論而畢竟衆議之所同者臣亦同之其時事實如
是而已矣噫奉 至尊之命選 經幄之士凡厥在
坐者孰敢不精白一心而每人難悅薄俗好譁謂之
善也臣與有榮謂之不善臣則有罪顧何足多卞也
抑臣之所竊惑者有之潭旣目臣以循私蔑公人臣
之極罪也而不請罪文衡之無散點古例之易知者
潭豈不知而於是乎請罪此臣之未曉者也伏乞
高明亟降 威命重勘臣蔑公循私之罪以為奉職

無狀者之戒不勝幸甚

乞暇省母書

伏以臣猥上書本恭俟重勘而伏承 睿批不惟不
賜譴何乃反曲示優容繼又伏聞頃日 大朝賓對
以元孫講學事緊有催促上來之 命不謂負罪賤
臣猶復上軫記念惶隕感激不知所措固當聞 命
起行以仰承 德意而素患風痰之疾當此換節之
交將攝失宜屢發屢碗加以衰羸日甚氣不敵病寄
身床第作一支離欲待調息若干日入謝新 命一
登講席而退矣即聞臣之老母在臣從子嶺邑任所

浹旬違疾症類痠瘡胃閉却食神煩失眠氣息慄愒
湯餉罔效病中思見臣每語必涕云竊念臣母居家
食貧癯朽日甚幸蒙大朝及老之盛德俾令臣
從子替臣官養經涉寒暑粗安無事天恩攸暨感
戴罔極今茲疾祟蓋緣此來霖濕中傷不輕而療治
乖方遂底沉淹臣於寤寐憂戀之中得聞此報五內
焚灼忽若無身臣於季春得蒙由暇欲過孝昭殿
常事即往省視適會賤疾屢玷死域旋值酷炎遷延
沆今未知臣母離違以來肌肉之羸削真元之漸敗
此昔如何而隔在近千里嶺外音問不以時接臣亦

衰且病重貽老母呻囁中憂念瑣細情私臣何敢猥
煩於 崇聽也臣方寸已亂未遑他計今方擔曳病
軀刻日趨省而官銜在身不敢不告徑行冒萬死畧
暴微懇伏乞 睿慈曲垂矜諒俾伸至情千萬幸甚
抑臣於敦府新 除有政例之不可冒者在前無議
親而官此府者率皆陳章得解茲敢援例自陳乞
命有司亟行鐫改焉且臣伏聞元孫講讀有程文理
日將每承此報喜不能寐臣數月以來或緣疾故或
在譴罷雖不得近耿光而聆英音區區戀慕之誠何
嘗一息少弛今雖遠出固不敢為許久躄滯之計而

母病旣歿有難預度遙帶虛銜淹延時日公體私義
至為未安亦望即許鑄免俾得安意往來焉

雷淵集卷之十

15

20

15

15

15



子

子

子